

**JAVNA USTANOVA
«DOM ZDRAVLJA»
ZAVIDOVIĆI
-UPRAVNI ODBOR-**

Broj:01-1.05-337/23

Datum:10.02.2023. godine

Na osnovu člana 69. stav 1. tačka b) i stava 2. tačka d), a u vezi sa članom 70. stav 4. Zakona o javnim nabavkama BiH („Službeni glasnik BiH“, broj 39/14 i 59/22), te člana 38. Statuta JU «Dom zdravlja» Zavidovići, Upravni odbor JU «Dom zdravlja» Zavidovići, na svojoj 40. sjednici održanoj dana 10.02.2023. godine, donosi

O D L U K U

o poništenju postupka javne nabavke

Član 1.

PONIŠTAVA se postupak javne nabavke broj: 01-2.12-195/23 za nabavku polovnog sanitetskog vozila za JU „Dom zdravlja“ Zavidovići, iz razloga što nijedna od primljenih ponuda nije prihvatljiva.

Član 2.

Ova odluka stupa na snagu danom donošenja.

Obrazloženje

Obavještenjem o nabavci broj: 638-7-1-36-3-9/23 od 27.01.2023. godine, objavljeno u „Službenom glasniku BiH“, broj: 7/23 od 03.02.2023. godine, pokrenut je konkurentski zahtjev za dostavu ponuda za nabavku polovnog sanitetskog vozila za JU „Dom zdravlja“ Zavidovići.

Tendersku dokumentaciju za predmetnu nabavku sa portala javnih nabavki preuzelo je 7 ponuđača i to: EKAPIJA DOO, BBS EUROPE, LADA AUTO DOO, HUSKIĆ-AUTOMOBILE D.O.O., STEEL DOO, GUMA M D.O.O. i „BUKVA“ D.O.O. GORAŽDE.

Na adresu JU „Dom zdravlja“ Zavidovići dostavljene su 2 (dvije) ponude i to: D.O.O.HUSKIĆ AUTOMOBILE BRČKO i STEEL D.O.O. ZENICA.

Komisija za javne nabavke izvršila je otvaranje ponuda 07.02.2023. godine u Sali za sastanke JU «Dom zdravlja» Zavidovići u 15,00 sati, kao što je naznačeno u tenderskoj dokumentaciji i obavještenju o nabavci.

Nakon pregleda dostavljenih ponuda, utvrđeno je da nijedna dostavljena ponuda nije prihvatljiva.

Ponuda ponuđača **D.O.O.HUSKIĆ AUTOMOBILE BRČKO** ocijenjena je kao neprihvatljiva iz sljedećih razloga:

Tenderskoj dokumentaciji, broj: 01-2.12-195/23 od 27.01.2023. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., propisano je da je ponuđač dužan u svrhu dokazivanja tehničke i profesionalne sposobnosti (član 48. i 49. ZJN) dokazati da "a) ponuđeno polovno sanitetsko vozilo ima sve tražene minimalne tehničke karakteristike". Za dokazivanje činjenice da ponuđeno polovno sanitetsko vozilo ima sve tražene minimalne tehničke karakteristike, kumulativno su traženi dokazi:
"a) Original izjava, potpisana od ovlaštenog lica ponuđača, da ponuđeno polovno sanitetsko vozilo zadovoljava tehničku specifikaciju opisanu u dijelu 1.PREDMET NABAVKE tačka 1.1. ove tenderske dokumentacije,
b) Tehnički obrazac za nabavku polovno sanitetsko vozilo -ispravno popunjen,".

Ponuđač D.O.O.HUSKIĆ AUTOMOBILE BRČKO, u dostavljenoj ponudi (str.71.-74.), priložio je popunjen Tehnički obrazac za nabavku polovnog sanitetskog vozila br.P0702/23 od 07.02.2023. godine, iz kojeg slijedi da ponuđeno polovno sanitetsko vozilo, ne ispunjava sve tražene tehničke karakteristike. Naime, za stavke "24. Utičnica napajanja 12V", "26. Krovni nosači boca za infuzije min. 3 komada" i "38. Kanta za otpad u sanitetskom dijelu vozila od nehrđajućeg čelika", ponuđač je obilježio rubriku "NE", kojom se kazuje da ponuđeno vozilo ne ispunjava tražene tehničke karakteristike pod tim stavkama.

Također, za stavke "24. Utičnica napajanja 12V" i "38. Kanta za otpad u sanitetskom dijelu vozila od nehrđajućeg čelika", ponuđač nije ispunio rubriku predviđenu za "Opis ponuđenog dijela i gdje se nalazi u katalogu / fotografiji / saobraćajnoj dozvola ili drugoj relevantnoj dokumentaciji tj. na kojoj stranici ponude /str.br./", što također ukazuje na činjenicu da ponuđeno vozilo ne ispunjava sve tražene tehničke karakteristike.

Osim toga, ponuđač u priloženoj dokumentaciji kojom se dokazuju tehničke specifikacije za polovno sanitetsko vozilo, tražene u dijelu 1.PREDMET NABAVKE tačka 1.1. tenderske dokumentacije - (saobraćajna dozvola – kopija i fotografije), 25.-41. strana ponude, nije označio tražene tehničke karakteristike iz obrasca (upisivanjem rednog broja iz tehničkog obrasca), radi utvrđivanja eliminatornih uslova shodno rednom broju iz tehničkog obrasca, a u samom tehničkom obrascu, istaknuta je naznaka: "U dostavljenoj dokumentaciji kojom se dokazuju tehničke specifikacije (katalog / fotografije / saobraćajna dozvola ili druga relevantna dokumentacija) za polovno sanitetsko vozilo, trebaju biti tačno označene tražene tehničke karakteristike iz obrasca (označiti upisivanjem rednog broja iz tehničkog obrasca), radi utvrđivanja eliminatornih uslova shodno rednom broju iz ovog obrasca."

U Tenderskoj dokumentaciji, u tački 1. PREDMET NABAVKE, propisano je da **ponuđeno polovno sanitetsko vozilo, mora imati sve tražene tehničke karakteristike ili će u protivnom ponuda biti odbačena kao neprihvatljiva."**

Osim navedenog, ponuđač D.O.O.HUSKIĆ AUTOMOBILE BRČKO, u svojoj ponudi (str.65.-70.), priložio je Nacrt ugovora o nabavci – potpisan i ovjeren, ali nepotpuno popunjen. Naime, ponuđač nije ispunio dijelove Nacrta ugovora u koji se upisuje: marka, tip i broj šasije ponuđenog vozila, kao ni dijelove predviđene za cijenu bez PDV-a i cijenu sa PDV-om.

U Tenderskoj dokumentaciji, u tački "13.NACRT UGOVORA ILI OSNOVNI ELEMENTI UGOVORA", propisano je da sastavni dio Tenderske dokumentacije čini Nacrt ugovora, u koji su uneseni svi elementi iz tenderske dokumentacije, te da su ponuđači su dužni ponudu dostaviti Nacrt ugovora u koji su unijeli podatke iz svoje ponude, te parafirati sve listove Nacrta ugovora.

U Prilogu VI - NACRT UGOVORA O NABAVCI, naznačeno je da ponuđač popunjava podatke sa kojima raspolaže u momentu pripreme ponude i popunjavanja ovog nacrta.

Obzirom da su marka, tip i broj šasije ponuđenog vozila, kao i cijena bez PDV-a i cijena sa PDV-om, podaci kojima je ponuđač raspolagao u momentu pripreme ponude i popunjavanja Nacrta ugovora, ovako dostavljen Nacrt ugovora ne može se smatrati potpunim dokumentom u smislu odredaba Tenderske dokumentacije.

U Tenderskoj dokumentaciji, u tački 2.USLOVI ZA KVALIFIKACIJU I POTREBNI DOKAZI, podtačka 2.3., naznačeno je da:

“U slučaju da se u ponudi ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.”

Također, u Tenderskoj dokumentaciji, u tački 4. PRIPREMA PONUDA, naznačeno je da se pri pripremi ponude ponuđač mora pridržavati zahtjeva i uslova iz tenderske dokumentacije.

Imajući u vidu izneseno, komisija je utvrdila da ponuđač D.O.O.HUSKIĆ AUTOMOBILE BRČKO, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača D.O.O.HUSKIĆ AUTOMOBILE BRČKO, odbačena je shodno članu 68. stav 1. i stav 4. alineja i), jer nije dostavio sve tražene dokaze i dostavio je nepotpune dokaze, te stoga ponuda nije potpuna i ne ispunjava zahtjeve iz tenderske dokumentacije.

Ponuda ponuđača **STEEL D.O.O. ZENICA** ocijenjena je kao neprihvatljiva iz sljedećih razloga:

U Tenderskoj dokumentaciji, broj: 01-2.12-195/23 od 27.01.2023. godine, u tački 2.USLOVI ZA KVALIFIKACIJU I POTREBNI DOKAZI, podtačka 2.3., propisano je da je ponuđač dužan u svrhu dokazivanja tehničke i profesionalne sposobnosti (član 48. i 49. ZJN) dokazati da “d) ponuđač posjeduje servisnu knjigu za ponuđeno polovno sanitetsko vozilo”. Za dokazivanje činjenice da ponuđač posjeduje servisnu knjigu za ponuđeno polovno sanitetsko vozilo, tražen je dokaz:

“f) Servisna knjiga ponuđenog polovnog sanitetskog vozila - fotokopija,

Uvidom u dostavljenu ponudu ponuđača STEEL D.O.O. ZENICA, utvrđeno je da kao dokaz nije priložena servisna knjiga ponuđenog polovnog sanitetskog vozila - fotokopija.

Ponuđač je u svojoj ponudi (str.14.), priložio: “Original izjava, potpisana od strane ovlaštenog lica ponuđača i ovjerena pečatom ponuđača, kojom izjavljuje da posjeduje servisnu knjigu i svu potrebnu dokumentaciju za registraciju, koju će predati uz isporuku vozila Ugovornom organu”. Međutim, Tenderskom dokumentacijom, navedena izjava nije predviđena kao sredstvo za dokazivanje činjenice da ponuđač posjeduje servisnu knjigu za ponuđeno polovno sanitetsko vozilo.

Osim toga, ponuđač u priloženoj dokumentaciji kojom se dokazuju tehničke specifikacije za polovno sanitetsko vozilo, tražene u dijelu 1.PREDMET NABAVKE tačka 1.1. tenderske dokumentacije - (saobraćajna dozvola – kopija i fotografije) 33.-34. strana ponude, nije označio tražene tehničke karakteristike iz obrasca (upisivanjem rednog broja iz tehničkog obrasca), radi utvrđivanja eliminatornih uslova shodno rednom broju iz tehničkog obrasca, a u samom tehničkom obrascu, istaknuta je naznaka: “U dostavljenoj dokumentaciji kojom se dokazuju tehničke specifikacije (katalog / fotografije / saobraćajna dozvola ili druga relevantna dokumentacija) za polovno sanitetsko vozilo, trebaju biti tačno označene tražene tehničke karakteristike iz obrasca (označiti upisivanjem rednog broja iz tehničkog obrasca), radi utvrđivanja eliminatornih uslova shodno rednom broju iz ovog obrasca.”

U Tenderskoj dokumentaciji, u tački 2.USLOVI ZA KVALIFIKACIJU I POTREBNI DOKAZI, podtačka 2.3., naznačeno je da:

“U slučaju da se u ponudi ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.”

Također, u Tenderskoj dokumentaciji, u tački 4. PRIPREMA PONUDA, naznačeno je da se pri pripremi ponude ponuđač mora pridržavati zahtjeva i uslova iz tenderske dokumentacije, a u podtački 4.1. istaknuta je napomena koja glasi:

“NAPOMENA: Ponuđači koji propuste dostaviti bilo koji dokument ili dokaz iz sadržaja ponude ili dostave neadekvatan dokument, bit će isključeni iz postupka nabavke kao nekvalificirani ponuđači, odnosno njihova ponuda bit će odbačena kao neprihvatljiva.

Imajući u vidu izneseno, komisija je utvrdila da ponuđač STEEL D.O.O. ZENICA, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača STEEL D.O.O. ZENICA, odbačena je shodno članu 68. stav 1. i stav 4. alineja i), jer nije dostavio sve tražene dokaze i dostavio je nepotpune dokaze, te stoga ponuda nije potpuna i ne ispunjava zahtjeve iz tenderske dokumentacije.

Kako su obje dostavljene ponude, neprihvatljive ponude, Komisija za javne nabavke predložila je da se poništi postupak javne nabavke polovnog sanitetskog vozila za JU „Dom zdravlja“ Zavidovići, u skladu sa članom 69. stav (2) tačka d) Zakona o javnim nabavkama, obzirom da nijedna od primljenih ponuda nije prihvatljiva.

S obzirom na naprijed utvrđeno činjenično stanje odlučeno je kao u dispozitivu Odluke.

PRAVNA POUKA: Protiv ove odluke može se izjaviti žalba u roku od 5 dana od dana prijema ove odluke.

Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom u tri primjerka.

DOSTAVLJENO:

1. D.O.O.HUSKIĆ AUTOMOBILE BRČKO
2. STEEL D.O.O. ZENICA
- 3.a/a

**PREDSJEDNIK
UPRAVNOG ODBORA:**
Mehić Elvir, dipl. pravnik

